



GIG
CYMRU
NHS
WALES

Addysg a Gwella Iechyd
Cymru (AaGIC)
Health Education and
Improvement Wales (HEIW)



Gwyddor
Gofal Iechyd
Cymru
Gwireddu uchelgeisiau yfory, heddiw!

Rhaglen Gwyddor Gofal Iechyd - Cymrodoriaeth Trawsnewid Gwasanaeth

Cynnwys

Beth mae'n ei olygu?	1
1 Rhagarweiniad	2
1.1 Pwrrpas y Llawlyfr.....	2
1.2 Am y Rhaglen Gwyddor Gofal Iechyd	2
1.3 Am broffesiynau Gwyddor Gofal Iechyd	2
1.4 Am y gymrodoriaeth	2
1.5 Am y pwyllgor.....	2
2 Canllawiau Cymrodoriaeth	3
2.1 Cylch Gwaith	3
2.2 Cymhwysedd.....	3
2.3 Beth sy'n cael ei ariannu?.....	3
2.4 Meini Prawf Asesu.....	4
2.5 Gwerthusiad ar ôl ymweliad.....	4
2.6 Gwireddu buddion a graddfa	4
3 Proses Ymgeisio	5
3.1 Manylion personol	5
3.2 Manylion proffesiynol	5
3.3 Manylion y gymrodoriaeth.....	5
3.4 Manylion cyllid	6
3.5 Llythyrau ategol	6
3.6 Cyflwyno ac adborth	7
4 Telerau ac amodau	8
5 Rhestr wirio y cais.....	9

Beth mae'n ei olygu?

Beth yw Cymrodoriaeth Trawsnewid y Gwasanaeth Gwyddor Gofal Iechyd?

Rydym yn darparu cyllid i alluogi proffesiynau o fewn y rhaglen Gwyddor Gofal Iechyd i ymweld ag adrannau y tu allan i Gymru i ddysgu arferion newydd, neu ragorol, y gellir eu rhoi ar waith yng Nghymru ar ôl iddynt ddychwelyd.

Cymhwysedd

Unrhyw broffesiwn o fewn Gwyddor Gofal Iechyd, gan gynnwys ond heb fod yn gyfyngedig i - Gwyddonwyr Biofeddygol, Gwyddonwyr Clinigol, Radiograffwyr ac ODP's. Ceir rhestrau ehangach o broffesiynau yn adran 1.3.

Swm cyllid

Cytunir ar y swm a ddyfernir gan bwyllgor y gymrodoriaeth. Mae ceisiadau unigol wedi'u capio ar £3,500, byddai angen i unigolion neu grwpiau sy'n ceisio symiau uwch gyfiawnhau'r swm wrth wneud cais.

Cwblhau'r ffurflen gais

Darllenwch y llawlyfr hwn yn ofalus i'ch helpu i ysgrifennu eich cais, a gwnewch yn siŵr eich bod wedi ei wirio'n drylwyr.

Cyflwyno'r cais

Mae dwy adran i'w cyflwyno: cais Microsoft Forms a llythyr o gefnogaeth gan y rheolwr gwasanaeth. Gwneir ceisiadau trwy dudalen we [Gwyddor Gofal Iechyd Cymru](#).

Adolygiad Cais

Bydd ceisiadau'n cau ar Fai 10fed, 2024. Bydd y pwyllgor cymrodoriaeth yn asesu pob cais ac yn llunio rhestr fer o ymgeiswyr sy'n addas ar gyfer trafodaethau pellach. Bydd y pwyllgor wedyn yn penderfynu a yw'r cais wedi llwyddo i sicrhau cyllid.

Hyrwyddo eich profiad

Ar ddiwedd y gymrodoriaeth, bydd cymrodyr yn adrodd yn ôl i'r pwyllgor a'r rhaglen Gwyddor Gofal Iechyd ar eu profiad. Bydd y gymrodoriaeth yn cael ei chyflwyno i grwpiau Gwyddor Gofal Iechyd, y Rhwydwaith Gwyddor Gofal Iechyd, a chynhadledd Gwyddor Gofal Iechyd Cymru o leiaf. Lle mae'n bosibl cynnyddu'r canlyniadau'r gymrodoriaeth y tu hwnt i fwrdd iechyd yr ymgeisydd, caiff hyn ei gefnogi gan y pwyllgor. Bydd gan bob cymrawd fynediad at ganolbwynt arweinyddiaeth ar gyfer rhannu dysgu rhwng cymrodyr eraill.

1 Rhagarweiniad

1.1 Pwrpas y Llawlyfr

Mae'r llawlyfr yn ganllaw cynhwysfawr i'r gymrodoriaeth. Mae'n disgrifio'r hyn yr ydym yn edrych amdano mewn cais, ac yn egluro sut mae'r broses yn gweithio. Dylid cyfeirio unrhyw ymholiadau ar ôl darllen y llawlyfr at y rhaglen Gwyddor Gofal Iechyd

HCS.HEIW@wales.nhs.uk

1.2 Am y Rhaglen Gwyddor Gofal Iechyd

Mae'r Rhaglen Gwyddor Gofal Iechyd yn rhaglen genedlaethol sy'n cefnogi'r gwaith o gyflawni fframwaith 'edrych ymlaen' Gwyddor Gofal Iechyd GIG Cymru.

1.3 Am broffesiynau Gwyddor Gofal Iechyd

Mae proffesiynau Gwyddor Gofal Iechyd yn cynnwys teitlau a ddiogelir gan yr HCPC sef Gwyddonwyr Biofeddygol, Gwyddonwyr Clinigol, ODP a Radiograffeg. Mae proffesiynau sydd wedi'u cynnwys o fewn isadrannau a disgyblaethau'r gwyddorau bywyd megis patholeg a genomeg, gwyddorau ffisiolegol megis awdioleg, ffisioleg gardiaidd, niwroffisioleg ac ati, gwyddorau ffisegol fel ffiseg feddygol, peirianeg glinigol neu adsefydlu, gwyddorau ail-greu a biowybodeg o fewn y Proffesiynau Gwyddor Gofal Iechyd. 

1.4 Am y gymrodoriaeth

Rhaid defnyddio'r gymrodoriaeth i alluogi'r ymgeisydd i ymweld ag adrannau neu ganolfannau rhagoriaeth i ennill sgiliau a gwybodaeth a fydd yn cael eu gwreiddio yn eu hadran gartref, gyda'r buddion i'w gweithredu'n lleol ac o bosibl yn genedlaethol.

Rhaid defnyddio'r cymrodoriaethau i alluogi ymgeiswyr i ennill profiad sy'n cefnogi ac yn hwyluso gwelliannau i'w proffesiynau neu wasanaethau.

Bydd y gymrodoriaeth o fudd i fyrddau iechyd drwy gefnogi gweithwyr proffesiynol i ddod â gwelliannau i'w gwasanaethau sy'n cefnogi'n uniongyrchol [Ganllawiau Statudol Dyletswydd Ansawdd 2023 a Safonau Ansawdd Iechyd a Gofal 2023](#).

1.5 Am y pwyllgor

Mae'r pwyllgor yn cynnwys ystod eang o aelodau gan gynnwys DoTHS, y Rhaglen Gwyddor Gofal Iechyd, Llywodraeth Cymru, WSAC, Iechyd Seiliedig ar Werth a'r Academi Lledaeniad a Graddfa. Mae'r pwyllgor yn adolygu'r holl geisiadau sy'n bodloni'r meini prawf cymhwysedd yn drylwyr ac mae'n gyfrifol am y canlyniad. Peidiwch â mynd at aelodau'r pwyllgor yn uniongyrchol am y gymrodoriaeth.

2 Canllawiau Cymrodoriaeth

2.1 Cylch Gwaith

Rhaid i'ch ymweliad fod ag adran y tu allan i Gymru a chael ei ddefnyddio i ddeall gwelliant i'ch proffesiwn neu wasanaeth. Rhaid i'r gymrodoriaeth fod â pherthnasedd gwella gwasanaeth clir a dylai fod o fudd i'ch sefydliad cartref yn ogystal â'ch taith gyrfa eich hun. Mae'r RGGICTG yn blaenoriaethu ceisiadau lle gellir graddio'r canlyniadau'n genedlaethol dros y rhai lle mai dim ond yn lleol y gellir defnyddio buddion.

2.2 Cymhwysedd

Rhaid i'r ymgeisydd fod yn gyflogai i Ymddiriedolaeth GIG Cymru neu Fwrdd Iechyd ar gontract cyflogaeth parhaol.

Nid ydych yn gymwys i wneud cais os ydych:

Derbynnydd blaenorol y gymrodoriaeth

2.3 Beth sy'n cael ei ariannu?

Fel arfer byddai ymweliad yn para rhwng pythefnos a thri mis, yn dibynnu ar natur y cynnig a'i amcanion. Mae lefel y cyllid yn amrywio yn dibynnu ar y costau disgwyledig.

Gallwch wneud cais am gyllid ar gyfer eich costau teithio, llety, a fisa i ymweld ag adran neu ganolfan ragoriaeth. Chi sy'n gyfrifol am drefnu'r ymweliad, ac ni allwn awgrymu gwesteiywyr addas. Er bod prosiectau fel arfer yn cael eu cynnal mewn un ymweliad, gellir defnyddio'r gymrodoriaeth ar gyfer ymweliadau lluosog ar wahân, lle mae cyfiawnhad cryf, a bod hyn wedi'i gostio yn y cais cychwynnol.

Rhaid defnyddio cyllid ar gyfer y gymrodoriaeth o fewn y flwyddyn ariannol y caiff ei dyfarnu ynddi, ni ellir ei gario drosodd i'r flwyddyn ariannol nesaf.

Ni fydd cyllid yn cael ei ddarparu ar gyfer:

- ❖ Bwyd a diod
- ❖ Presenoldeb cynhadledd neu ddarlithoedd
- ❖ Ymweliadau sydd eisoes wedi'u cynnal neu ar y gweill
- ❖ Llenwi swydd

2.4 Meini Prawf Asesu

Bydd eich cais yn cael ei ystyried ar ei ben ei hun a'i farnu ar sail teilyngdod. Bydd asesiad teg a diduedd o'r cais a gyflwynir.

Adolygir ceisiadau gan y pwyllgor ar y meysydd hyn:

- ▣ Addasrwydd yr ymgeisydd - a fydd yn gallu gwneud y mwyaf o'r daith?
- ▣ Ansawdd y gwesteigr - a oes ganddo'r arbenigedd a'r adnoddau perthnasol?
- ▣ Dichonoldeb y daith - a yw nodau ac amserlen y prosiect yn realistig?
- ▣ Budd i'r adran gartref - a fydd y gymrodoriaeth yn hwb i'r gwasanaethau?
- ▣ Perthnasedd y prosiect - a oes ganddo rinweddau gwella cryf?
- ▣ Graddadwy - a all adrannau eraill neu'n genedlaethol fabwysiadu'r gwelliannau?

2.5 Gwerthusiad ar ôl ymweliad

Gofynnir i gymrodyr werthuso eu profiad yn dilyn y daith i gynhyrchu 'stori' cymrodoriaeth ar dudalen we Gwyddor Gofal Iechyd Cymru. Mae tair elfen i'r broses hon; ateb detholiad o gwestiynau myfyrio, cwblhau arolwg byr, ac anfon ychydig o ffotograffau o ansawdd uchel.

Byddwn yn defnyddio gwybodaeth o werthusiadau Cymrodoriaeth ar wefan Gofal Iechyd Cymru ac mewn deunyddiau hyrwyddo eraill.

Bydd disgwyl i bob cymrawd llwyddiannus gyflwyno eu profiad i gynhadledd flynyddol y Rhwydwaith Gwyddor Gofal Iechyd a Gofal Iechyd Cymru o leiaf.

Darperir canllawiau llawn ynghyd â llythyr cadarnhad ar gyfer ymgeiswyr llwyddiannus.

2.6 Gwireddu buddion a graddfa

Yn ystod y broses ymgeisio bydd y pwyllgor yn asesu'r potensial i bob cymrodoriaeth arfaethedig fod o fudd i wasanaeth.

Bydd buddion i wasanaeth yn cael eu gwerthuso ar ôl dychwelyd o'r gymrodoriaeth a lle mae budd wedi'i ddangos, bydd graddfa'r gweithredu yn cael ei gefnogi gan y pwyllgor.

3 Proses Ymgeisio

3.1 Manylion personol

Nid yw eich cais yn ddienw, felly cynhwyswch eich enw llawn. Bydd y cyfeiriad e-bost a nodir gennych yn cael ei ddefnyddio ym mhob gohebiaeth sy'n ymwneud â'r cais.

3.2 Manylion proffesiynol

CV cryno yw'r adran hon yn ei hanfod. Rydym angen weld gwybodaeth sylfaenol am y swydd bresennol sydd gennych, mae'n rhaid iddi fod yn broffesiwn Gwyddor Gofal Iechyd. Rhowch fanylion eich cymwysterau addysgol, gan gynnwys unrhyw rai nad ydynt wedi'u cwblhau eto. Dylai hyn gynnwys y dyddiadau dechrau a gorffen, y goruchwyliwr(wyr) a'r arbenigedd. Amlinellwch unrhyw brofiad perthnasol, gan gynnwys swyddi tymor byr a gwirfoddol.

3.3 Manylion y gymrodoriaeth

Dyma adran bwysicaf eich cais a dylid ei pharatoi'n ofalus. Dylech ddarparu manylion yr athrofa a'r goruchwyliwr a fydd yn eich cynnal. Os byddwch yn cael eich cefnogi ar eich ymweliad gan fwy nag un gweithiwr proffesiynol, yna cynhwyswch yr holl gysylltiadau perthnasol. Gall dyddiadau eich ymweliad arfaethedig fod yn rhai tywys ar adeg y cais, ond dylai hyd yr ymweliad fod yn fanwl a gywir. Gofynnir i ymgeiswyr llwyddiannus gadarnhau eu dyddiadau teithio terfynol cyn yr ymweliad.

Y cynnig ariannu yw'r lle i chi fanylu'n llawn ar y daith yr ydych wedi'i chynllunio. Rydym yn argymhell eich bod yn gofyn am fewnbwn a chyingor gan eich arweinydd grŵp a gweithwyr proffesiynol profiadol eraill, gan y bydd hyn yn eich helpu i ysgrifennu'n gryno ac yn eglur. Fodd bynnag, gwnewch yn siŵr bod y cynnig wedi'i ysgrifennu yn eich geiriau eich hun.

Rydym yn chwilio am ddatganiad personol heb fod yn fwy na 1,500 o eiriau. Mae hwn wedi'i rannu'n 4 adran yn y ffurflen gais a dylai gwmpasu'r canlynol:

- ❏ Pam ydych chi'n addas ar gyfer y gymrodoriaeth hon?
- ❏ Beth yw'r tri phrif nod ar gyfer eich taith?
- ❏ Sut bydd y prosiect yn datblygu gwasanaethau eich adran?
- ❏ Pa ffactorau a ddylanwadodd ar eich dewis o sefydliad / canolfan gydweithredol?
- ❏ Pam mai'r daith hon yw'r ffordd orau i chi gyflawni tri phrif nod eich prosiect?
- ❏ Sut ydych chi'n bwriadu defnyddio'r sgiliau a'r wybodaeth y byddwch chi'n eu hennill yn ystod eich taith pan fyddwch chi'n dychwelyd i'ch adran gartref?

Gallai hefyd fod yn briodol i chi ateb y cwestiynau hyn:

- ❏ Sut bydd eich ymweliad yn sefydlu neu'n datblygu cydweithrediadau?
- ❏ Pa fanteision tymor hwy ydych chi'n eu rhagweld o'r cydweithio?
- ❏ Beth yw eich uchelgeisiau gyrfaol?
- ❏ Sut bydd eich ymweliad neu hyfforddiant yn gwella eich gyrfa?

3.4 Manylion cyllid

Dylech gymryd amser i gyfrifo'r costau y byddwch yn eu hysgwyddo wrth ymgymryd â'ch prosiect arfaethedig. Mae'n bwysig bod yr adran hon yn gywir, yn fanwl ac yn glir. Dylech ddarllen y paragraff ar 'beth sy'n cael ei ariannu?' (Adran 2.3) i'ch helpu i ddeall pa gostau y gallwch eu cynnwys.

Defnyddiwch y tabl i ddarparu dadansoddiad o gostau disgwylledig eich taith.

Dylech ddefnyddio'r dyddiadau dechrau a gorffen arfaethedig o'r adran manylion ymweliad i'ch helpu i amcangyfrif y costau'n gywir. Os nad yw'r prisiau a ddarganfyddwch mewn punnoedd, defnyddiwch www.xe.com i ddod o hyd i'r gyfradd trosi gyfredol a chynnwys y pris a welsoch yn y golofn manylion.

Mae angen i chi ddangos a gyfiawnhau eich rhagamcanion, er enghraifft:

Hedfan:

LHR i FRA, 07:05 ar 17/05/2018 (British Airways) FRA i LHR, 10:55 ar 14/06/2018 (British Airways). www.skyscanner.net

Llety:

10 noson yn Welcome Hotel Frankfurt. www.booking.com.

Cyllid y gofynnwyd amdano' yw'r cyfanswm yr ydych yn ei ofyn gan Gymrodoriaeth Trawsnewid y Gwasanaeth Gwyddor Gofal Iechyd i gefnogi eich ymweliad. Yn aml bydd hyn yr un fath â chyfanswm y costau a ragwelir.

Yr uchafswm y gallwch ofyn amdano yw £3,500, fodd bynnag, ar gyfer symiau mwy, rhowch fanylion eich cyfiawnhad dros hyn yn y cais yn yr adran prosiect cymrodoriaeth. Os ydych eisoes wedi sicrhau cyllid ychwanegol i dalu cyfran o'ch costau, rhowch y manylion o dan 'ffynonellau ariannu eraill'.

Bydd angen i chi anfon llythyr PDF yn cadarnhau unrhyw ddyfarniadau cyllid pan fyddwch yn cyflwyno'ch cais. Dylid manylu hefyd yn yr adran hon ar unrhyw geisiadau cyllid sydd ar y gweill i sefydliadau eraill. Os bydd costau rhagamcanol eich taith yn fwy na'r swm yr ydych wedi gofyn amdano, yna dylech ddefnyddio'r gofod hwn i egluro sut y bydd y gwahaniaeth yn cael ei dalu i'ch galluogi i ymgymryd â'r daith os byddwch yn derbyn Cymrodoriaeth Trawsnewid Gwasanaeth Gwyddor Gofal Iechyd.

3.5 Llythyrau ategol

Yn ogystal â ffurflen gais wedi'i chwblhau, mae angen i chi gyflwyno llythyr o gefnogaeth gan eich goruchwyliwr cartref a'ch goruchwyliwr lletyol arfaethedig.

Dylai pob llythyr gynnwys y canlynol:

- ❖ Enw llawn a llofnod y goruchwyliwr
- ❖ Disgrifiad byr o'r gwaith i'w wneud
- ❖ Cadarnhad o'r hyfforddiant a'r gefnogaeth a ddarperir
- ❖ Cyfeiriad at brosiect ac amcanion Cymrodoriaethau

3.6 Cyflwyno ac adborth

Y dyddiad cau ar gyfer ceisiadau yw Mai 10fed a bydd y pwyllgor Cymrodoriaethau yn asesu pob cais ar ôl y dyddiad hwn, bydd ymgeiswyr fel arfer y cael gwybod am y canlyniad o fewn tair wythnos. Mae gennych hawl i ofyn am adborth ar eich cais, ond cofiwch fod penderfyniadau ariannu'r Pwyllgor yn derfynol.

Mae'r cais am Gymrodoriaeth yn cynnwys tair dogfen ar wahân:

- ▣ Ffurflen gais ar-lein
- ▣ Llythyr ategol gan eich goruchwyliwr cartref
- ▣ Llythyr ategol gan eich goruchwyliwr cynnal

Efallai y bydd angen i chi hefyd anfon cadarnhad o unrhyw gyllid yr ydych eisoed wedi'i sicrhau tuag at gostau eich taith.

Dylid lanlwytho pob llythyr i'r Ffurflen Gais. Mae'r ffurflen gais yn cynnwys ymwadiad sy'n ymwneud â Thelerau ac Amodau'r gymrodoriaeth.

Dylech wneud yn siŵr eich bod wedi darllen a deall hwn, a'ch bod wedi holi am unrhyw agweddau sy'n aneglur i chi.

4 Telerau ac amodau

- i. Rhaid dychwelyd arian Cymrodoriaeth Teithio yn llawn os nad yw ymgeisydd llwyddiannus yn gallu cwblhau'r daith arfaethedig am unrhyw reswm.
- ii. Ni all y gymrodoriaeth 'ychwanegu' at geisiadau yn yr achos bod cost wirioneddol y daith yn fwy na'r cyllid a ddyfarnwyd.
- iii. Nid yw Cymrodoriaeth yn drosglwyddadwy i berson arall o dan unrhyw amgylchiadau.
- iv. Dim ond i gefnogi'r daith a nodir yn y ffurflen gais y gellir defnyddio arian cymrodoriaeth. Rhaid i ymgeiswyr llwyddiannus geisio cytundeb y pwyllgor os bydd unrhyw fanylion yn newid ar ôl i'r cais gael ei gyflwyno.
- v. Gall y pwyllgor ofyn am ddychwelyd arian yn rhannol os bydd Cymrawd yn ymgymryd â thaith fyrrach na'r un a nodir yn y ffurflen gais.
- vi. Rhaid hysbysu'r pwyllgor am unrhyw gyllid arall y mae Cymrawd yn ei dderbyn at ddibenion y daith. Gall y pwyllgor ofyn am i arian Cymrodoriaeth gael ei ddychwelyd os yw cyllid arall yn talu'r un costau.
- vii. Gall y pwyllgor ofyn am dystiolaeth bod arian Cymrodoriaeth wedi'i ddefnyddio at ddibenion yr ymweliad yn unig. Dylai Cymrawd Teithio gadw'r holl dderbynebaw perthnasol am ddwy flynedd.
- viii. Rhaid i gymrodyr gwblhau'r broses werthuso o fewn dau fis i ddyddiad diwedd yr ymweliad.
- ix. Ni chaiff ymgeiswyr aflwyddiannus gyflwyno cais newydd o fewn 12 mis i'w cais cychwynnol.
- x. Ni chaiff ymgeiswyr aflwyddiannus ailymgeisio am Gymrodoriaeth gan ddefnyddio'r un prosiect.
- xi. Bydd pob cais yn cael ei gadw ar gofnod am ddeng mlynedd.
- xii. Gall y pwyllgor gysylltu â'r goruchwylwyr cartref a lletyol ynghylch ceisiadau.
- xiii. Gall y Rhaglen Gwyddor Gofal Iechyd gyhoeddi gwybodaeth am ymweliadau Cymrodoriaeth ar-lein ac mewn print gan ddefnyddio enw llawn y Cymrawd.
- xiv. Bydd gwybodaeth berthnasol am Gymrodyr, gan gynnwys manylion cyswllt, yn cael ei rhannu â'r Rhaglen Gwyddor Gofal Iechyd.
- xv. Dylid cydnabod cefnogaeth y pwyllgor mewn unrhyw waith cyhoeddedig sy'n deillio o Gymrodoriaeth.

5 Rhestr wirio y cais

- ☑ Ydych chi wedi darllen a deall Telerau ac Amodau'r rhaglen?
- ☑ Ydych chi wedi llenwi'r ffurflen gais yn llawn, gan ddefnyddio'r Llawlyfr i'ch helpu?
- ☑ A oes gennych y ddau lythyr cefnogaeth wedi'u cadw fel PDFs?
- ☑ Os dyfarnwyd cyllid i chi eisoes o rywle arall tuag at y daith, a oes gennych lythyr i gadarnhau hyn?

Cadarnhewch, wrth wneud cais am Gymrodoriaeth, ac eto cyn teithio, eich bod yn gyfrifol am wirio cyfyngiadau a gofynion Covid-19 sy'n ymwneud â theithio allan a dychwelyd, gan na fydd yr rhaglen yn gallu ariannu unrhyw gostau ychwanegol yr eir iddynt.

Os mai ydw yw'r ateb i'r pedwar cwestiwn uchod, yna rydych chi'n barod i wneud cais! Defnyddiwch y ddolen ffurflenni ar Gwyddor Gofal Iechyd Cymru.